

B. 191.



ΣΥΜΜΙΚΤΑ LIBRARIA, 3^a
SIVE
LIBRORVM RARIORVM

INDEX II.
SELECTIS OBSERVATIONIBVS INSTRUCTVS.


QVEM
ACTVI SOLENNI
ORATORIO

D. XXIX. MART. A. MDCCLXII. HLQC. HAB.

PRAEMITTIT

IO. HENR. A SEELEN,

SS. THEOL. LIC. ET GYMN. LVBEC. RECT.



LVBECAE.
TYPIS GREENIANIS.

ZYMMETA LIBRARIA
LIBRORVM RARIORVM
INDEX II
SELECTIS OBSERVATIONIBVS KEPLERVS

ACTVS SOLENNI
ORATORIO

DI. J. M. A. M. C. L. X. V. I. I. I.
JO. HENR. A. SEELIN



L. P. S. E.
T. P. S. E.





Tertium hoc secundo Librorum rariorum Indice actum, quo Filii, quorum Patres simili modo meis auspiciis pro rostris Gymnasticis dixerunt, cathedram publicam conscendent, Patrum laudatissimorum vestigia lecturi, indico. Primus fuit an. 1753 *Claedenianus*, ad quem *Analectis ad IO. HENR. MEIBOMII, Poliatri quondam Lubecensis, MAEGENATEM*, invitavi. Secundus fuit an. 1761 *Richertzianus*, cui *Observationes de Concordia & Pace sacra* praemisi. Tertius proxime instat, qui divino quoque auxilio, quod speramus, absolvetur. Is erit *Burghardianus*, quem pari ratione reddet raritas commemorabilem. Magnum sane beneficium, quod benignissimi Numinis gratia mihi contingit. Quot enim sunt mei ordinis viri, qui id vitae spatium impleverunt, ut gaudere potuerint, et Patribus et Filiis, qui utriusque publice editis, nec sine laude, eruditionis speciminibus inclaruerunt? Sane exiguus erit numerus eorum, quorum inter auditores, tam Patres, quam Filii ipsorum, commemorantur. Et mihi servorum minimo raram hanc felicitatem clementissimus DEVS benevolentissime, ut Augustiniano more exprimam, concessit. Hoc nisi me erigeret, nisi ad animum gratisimum demississime declarandum incenderet, adscribendus essem turpissimae ingratorum societati, quam vehementissime averfor.

An vero iure quoque etiam silentio involvere felicitatem aliam, quam mihi quoque contigisse, merito recorder? Est illa eo magis concelebranda, quo rariori exemplo me non potuit non afficere. Cum enim vivendo diem istum attingissem, quo annos quadraginta munerum, in tribus urbibus divina gratia gestorum, impleveram, praeter omnem expectationem illa accidebat. Ego isto etiam die officio meo deesse volebam. Intransi itaque auditorium publicum, duo optimae notae iuvenes, IOHANNES FRIDERICVS WEST-

PHAL atque CHRISTIANVS NICOLAVS CARSTENS, Lubecenses, mihi obviam ibant, totius coetus nomine benignam fortem gratulabantur, simulque rogabant, vt liceret ipsis cathedram conscendere, atque vberius mentem declarare. Honestissimis eorum precibus non poteram non annuere, etsi pietas et candor me in stuporem fere dabat, praesertim ideo, quod sponte, nulla ansa data, meque plane insciente, hunc laborem susceperant. Cathedram itaque conscendebant ac, praesentibus honoratissimis Collegis et dilectissimis commilitonibus, WESTPHALIVS in memoriam et laudem potissimum IOHANNIS KIRCHMANNI, CARSTENIVS autem *de Lubicis Lubecensibus*, nitidas habebant Orationes, quae vtraeque typis exscriptae prostant. WESTPHALIVS, longiori vita dignus, non multo post, tabe confectus, e vita migrabat. CARSTENIVS autem hodieque divino favore vivit, Iuris vtriusque Licentiati characterem ornatur, causasque forenses prospero successu agit, qui vt diu sospes ac incolumis superfit, Amico suavissimo sincere voveo. Vtinam viveret etiam desideratissimus ipsius Parens, MENO NICOLAVS CARSTENS, Pastor Cathedralis praeclarissime meritus, quem post fata etiam honoris causa nomino, tum alias ob res laude dignissimas, tum ob Filium quoque praestantissimum, qui ipsum, pro rostris Gymnasticis d. 15 Febr. 1720 insigniter locutum (vid. quae scripsi Select. Liter. pag. 92 sq.), d. 17 Novemb. 1753. laudabili studio est secutus, paternaque feliciter legit vestigia.

Rara haec, quam iure praedico, felicitas me denuo vocat ad libros, quos possideo, rariores eodem indicandis modo, quo in primo Indice vsus sum. AVGVSTVM BEYERVM in *Memoriis Historico-Criticis Librorum rariores*, Dresd. 1734. 8. evulgatis, plerumque sua fide niti in indicandis libris rarioribus, VOGTIUM aliena, REHMANNVS Biblioth. Hist. Lit. T. II. p. 531 observat. Mea fide niti lectorem, minime cupio, affirmo tantum, me eos modo libros ad rariores retulisse, qui si non vbique, tamen etiam nullibi, tales censentur. Iudicia aliorum non plane sperno, etsi forsitan causae sint, cur in quibusdam non totus semper acquiescam. Praemittam & huic Indici nonnullos, quos manibus tantum, non typis, exaratos, possum conspiciendos praebere. Si non omnes maximi, non omnes tamen etiam nullius momenti erunt. Edita, quae MSSa in mea supellectile sunt, non taceo.

Libri

❁ ❁ ❁ V

Libri manu scripti.

THEOPHRASTI PARACELSI *Miscellanea.* Sunt in his varia Biblica, Theologica, Moralia. Primum locum copiosa occupat Epistola, inscripta: **Den Christlichen Brüdern Martino Luthero, Iohanni Pomerano und Philippo Melanthoni, den Apostolischen Männern.** Continet varia Biblica. Sequuntur varia Theologica, de Religione perpetua, Baptismate, Trinitate, et rel. de veterum Christianorum Monito: Sursum corda.

IO. MVSÆI *Loci Theologici.*

EIVSD. *Disputationes contra Pontificios, Reformatos, Socinianos.* Additi sunt *Discursus*, vt vocantur, *Praesidis.*

IO. FRID. MAYERI *Collegium Anti-Papaeum.*

EIVSD. *Lexicon Fidei.*

GVLIELMI ROVILLII *Historia.*

IO. GEORG. NEVMANNI *Cursus Methodologicus, quo eundo per varia Scientiarum genera, quid selectum in vnoquoque et eximium, succincte ostenditur.*

EIVSD. *Supplementum Observationum et Decisionum practicarum in AEGID. STRAVCHII* *Theologiam Moralem.*

Variae Variorum Epistolae collectae a THEODORO RACHELIO 1690.

In his sunt quaedam a MARQ. GVDIO, et ad eundem, scriptae Epistolae.

HENR. BANGERTI *ad viros clarissimos Epistolae.* In altera pagina Auctor scripsit: *Collegi has Literas, antea disiectas, 1647, cum iam integros duodecim annos, DEI gratia, publice in scholis docuissim.*

MENON. HANNEKENII *Praelectiones in Syllogen Quaestionum Theologicarum.* Vid. Notit. earum, quam in Epist. ad Nepot. 1743 dedi.

STEPHANI CLOTZII *Annotationes et Observationes in Apocalypsin Iohannis.*

THEOD. DASSOVII *Antiquitates Ebraicae ad illustranda plurima, eaque difficiliora, S. Scripturae loca facientes.*

Canticum Canticorum philosophice explicatum per IO. LYDOK

HEINZEL a DEGERNSTEIN. *Germanice.* Apographum est

Commentarii in Canticum Canticorum, cuius notitiam debeo viro de re sacra et literaria longe meritisimo, D. IO. GEORG. SCHEL-

HORNIO, Praesuli hodie Memmingensi excellentissimo, in Memorab. Biblioth. RAYM. de KRAFFT, Confulis Ulmenis, Amoe-



nit. Literar. T. III. p. 106. Ego cum *Vindicias S. Codicis adversus Alchymistas* meditarer, per literas rogabam doctissimum SCHELHORNIVM, ut excerpta quaedam e scripto Heinzeliano mecum communicaret. Is vero, pro maxima sua humanitate, summo favore KRAFFTIANO suffultus, totam fere mihi Cantici Explicationem transmisit. Exosculor hodieque Epistolam, quam SCHELHORNIVS, cuius amicitiam et commercium literarium magni dudum, et merito quidem, aestimavi, 1726. prid. Kal. Iul. ad me scripsit. In ea enim, inter alia, isthaec leguntur: *Per illustres Dn. de KRAFFT facillimum se praestitit meo rogatu non tantum in communicanda Cantici Paraphrasi: sed et cum potiora eius argumenta enotassent, per amanuensem suum lubens, pro ea, qua in literas et literatos animatus est, benevolentia, ea describi curavit Tibi transmittenda*, et rel. SCHELHORNIVS loc. cit. breve dedit HEINZELIANI commentarii compendium: *Lapidem philosophicum in Cantico laudatum et descriptum invenisse sibi visus est autor*. Ille vero in Utopia potius, quam in Cantico Canticorum, fuisset quaerendus.

Libri rariores.

- Rudimentum Novitiorum*. Lubec. 1475. fol. maj. Vid. Select. Liter. p. 558 sqq. Hist. Typogr. Lub. p. 4 sqq. 169 sqq.
- VL. R. OBRECHT *Prodromus Rerum Alsaticarum*. Argent. 1681. 4. Conf. SERPILII *Verzeichn. rarey Büch*. P. I. pag. 73 sqq. Add. VOGTIVS pag. 490.
- HENR. SPONDANI *Coemeteria Sacra*. Paris. 1638. 4 maj.
- PETR. PITHOEI *Opera sacra, iuridica, historica, miscellanea*. Paris. 1609. Conf. VOGTIVS p. 534. AVB. MIRAEI *Origines Equestrium, sive Militarium Ordinum*. Antwerp. 1609. POLICARP. PALERMVS *de vera C. Plinii Secundi superioris Patria, atque ea Verona*. Veron. 1608. 4.
- HAUS SACZSEN *Gedichte*. Nürnberg. 1558. fol. min. Qui cuncta huius Poetae Teutonici Carminum, pro temporis, quo vixit, ratione diiudicandorum, volumina possidet, ille habet, quod iure possit rarissimum appellare. Meos inter libros est Tomus, qui prae reliquis meretur aestimari. Legitur in eodem fol. 289. b. Carmen, quod inscribitur: *Die ungetrückte Wahrheit*, atque incipit hoc modo:

vocatus, nunquam ad sacrum munus administrandum rite inauguratus. Cum vero coetibus, qui BERKENMEYERI curae erant commissi, sese ingereret, et quosdam deciperet, is pro eo, quo in puriorem doctrinam Lutheranam fertur, studio, arripiebat calamum, simulque HENKELIVM, causam DIERENII agere conantem, castigabat, imminente auditoribus suis periculo contactus. Profligat masculine fanaticum istud dogma, quo homo etiam illiteratus ad sacra munia obeunda aptus iudicatur. Praeterea affert varia, quae Pietismum, eiusque historiam, illustrant. Copiose se scilicet subiunxit Notas, quae multo plura, quam textus, ut vulgo loquuntur, comprehendunt, et maioris molis exhibuissent librum (ad Alphabetum tamen proxime esset vsa). Si erudite et orthodoxe conscriptus liber in Germania recideretur, fieret sine dubio res grata iis, qui cognoscere cupiunt, quid Pietistae etiam sub pietatis praetextu egerint. BERKENMEYERO sane horum strophae valde displicebant, quas & ego semper aversus sum. Candidus & ingenuus Amicus, quo Stadae familiariter vsus sum, exempla quaedam libri sui anti-fanatici mittens in Germaniam, mihi quoque vnum destinaverat, quod, ni fallor, vnicum est ad hanc urbem transmissum. Ego animi causa istud solèo meam *Bibliothecam Americanam*, unico libro constantem, appellare. Vid. huc spectantia copiosius complexam *Relationem de nuperis Motibus in Ecclesia Lutheran Neo-Eboracensi, Historiam Lutheranismi in America illustrantem*, quam praebui in Biblioth. Lubec. Vol. X. pag. 272 sqq.

P. MVSSARDI *Historia Deorum Fatidicorum cum eorum Iconibus*. Colon. Allobrog. 1675. 4.

AVGVSTINI OREGII *Aristotelis Vera de Rationalis Animae Immortalitate Sententia*. Rom. 1633. 4 maj.

PETRI CALANNAE *Philosophia Seniorum Sacerdotia & Platonica. A Iunioribus et Laicis neglecta Philosophis. De Mundo Animarum & Corporum*. Panormi. 1599. 4. Vid. Select. Liter. pag. 693 sqq. Conf. VOGTIVS p. 162.

IO. HVS *Epistolae. Cum Praef. LVTHERI*. Viteb. 1537. Conf. VOGTIVS p. 357. EIVSD. *Disputatio Constantiae habita*. ibid.

WENCESLAI PHILOMATHIS *Libri Musici Carmine elucubrati*. Viteb. 1534. 8.

ALBER-

- ALBERTI a. S. AEGIDIO Paulus praedicans Resurrectionem Mortuorum. Adversus Atheos. Rhedonis. 1654. 4.
- BARTHOLOM. de los RIOS *Vitta Coccinea*. Antwerp. 1646. 4.
- IVONIS CARNOTENSIS *Epistolae et Chronicon de Regibus Francorum*. Paris. 1585. 4maj. In *Epistolis Papae Romano Maiestaticis* titulus tribuitur (vid. Strom. Lutheran. p. 697 sq.), quae adulationum raritatem etiam auxit.
- ENEE SILVII *Epistolae*. Norimb. 1496. 4.
- IVL. MAZARINI *Cent Discours sur la cheute Penitence et Restauration du Roy et Prophete David*. Paris 1610. 4maj.
- THOM. CAMPANELLAE de *Sensu Rerum Libri IK*. Francof. 1620.
- EIKSD. *Spanische Monarchy*. 1620. 4.
- EIVSD. *Realis Philosophia Epilogistica*. Francof. 1623. 4.
- Historie van B. CORNELIS ADRIAENSEN*. Amstelred. 1607. 8.
- FRANC. BYRGKARDVS de *Autonomia, von Freystellung mehrererley Religion und Glauben* &c. München 1602. 4. In titulo etiam verba: *Nachzudrucken verboten*, leguntur.
- BENED. SPINOZAE *Tractatus Theologico-Politicus*. Hamb. 1672. Conf. VOGTIVS p. 640.
- REGNER. a MANSKELT *adversus Anonymum Theologo-Politicum*. Amstelred. 1674. 4.
- Philosophia Scripturae interpres*. Eleuterop. 1666. 4.
- PAVLI EBERI *Calendarium Historicum*. Viteberg. 1556. 8. Ad libros quidem rariores non solet referri hoc Calendarium, meum tamen exemplar iis accenseri meretur propter varias Observationes autographas, quas eidem ANDREAS POVCHENIVS, Superintendens Lubecensis, inferuit.
- IO RDANVS BRVNVVS de *triplici Minimo*. Francof. 1591. De *Monade, Numero et Figura, Innumerabilibus, Immenso et Infigurabili, seu de Univerſo et Mundis*. ibid. 1591. De *Imaginibus, Signorum et Idearum Compositione*. ibid. 1591. 8. Contenta huius voluminis ipse MORHOFIVS, in cuius Bibliotheca olim fuit, pro rarissimis habuit. Conf. VOGTIVS p. 150 sq.
- FRANC. MARII GRAPALDI *Liber de Partibus Aedium*. Taurin. 1516. 4. Cui solus libri titulus innotuit, ipsum vero nunquam

inspexit, auctorem fuisse architecturae peritum, et nil, nisi architectonica, protulisse, haud difficulter sibi potest persuadere. Verum errat, inscriptione deceptus. Ad Philologiam & Criticam potius, quam ad Architecturam, est hic liber referendus. Explicare enim ac describere studet GRAPALDVS varias res, & philologice quidem, quae sunt vel partes necessariae aedium, vel ad earum decora modo possunt referri. Sic e. c. lib. II. c. 9. fol. 92 sqq. Bibliothecam partibus aedium accenset, licet ea non in cunctis domibus reperiatur. In vocibus declarandis non est semper plane spernendus, quamvis splendidus *Bibliothecae* titulus, ab *ANTON. BREMIO*, praefixo magnifico hoc elogio:

*Quisquis amas vno quasi cuncta videre libello,
Hunc eme: nam fiet BIBLIOTHECA tibi,
impositus, libro huic non conveniat.*

Sereniss. Domus Augustae Selenianae Princip. iuventutis utriusque Sexus, pietatis, eruditionis, comitatusque Exemplum sine pari in perfectae Educationis et Institutionis normam expositum a IOH. VALENT. ANDREAE, Th. D. Abbate Bebenhusano. Vlm. 1649. 12 maj. Rara haec Epistolarum collectio ad Bibliothecam purpuratam pertinet, siquidem pleraeque a Principibus scriptae sunt. Non vero Genealogico tantum studio inserviunt, verum multa etiam alia lectu digna volumen hoc continet. Proxime vnice ad ea, quae in epistolis 1652 scriptis p. 217sqq. de Astrologis divinatoribus occurrunt.

Mundus alter et idem. Sive Terra Australis antehac semper incognita, longis itineribus peregrini Academici nuperrime lustrata. Auctore MERCURIO BRITANNICO. Accesserunt propter affinitatem materiae THOMAE CAMPANELLAE Civitas Solis & Nova Atlantidis FRANC. BACONIS, Bar. de Verulamio. Ultraj. 1643. 12.

CLAVD. CLEMENTIS Musci, sive Bibliothecae Instructio. Lugd. 1635. 4. Vid. quae de hoc libro rarissimo inserui Nov. Liter. Hamb. 1748. n. 12. p. 330sqq.

ERPOLD. LINDENBRUCH Chronica von dem Kriege, welchen die Cimbrer mit dem Römischen Volck geführet haben. Hamb. 1589. GEORG. SPALATINVS von Arminio. Witteb. 1535. MARC. WAGNERI Thüringen Königreich. Jhena. 1591. CASP. CALOVI Chronica der Herzogen zu Meckelnburgk. Leipz. 1600. ANDR.

WILANDR. WERNER *Catalogus aller Magdeburgischen Erzbis-
 chöfliche in 611 Jahr; item aller Halberstädtischen Bischöfliche.*
 Magdeb. 1579. **DAVID CHYTRAEVS** von dem Zustand
 der Christlichen Kirchen in Griechenland, Asien, Africa u. 1584.
A. was bey der Crönung **CHRISTIANI IV.** Königs in Den-
 colnemarck, zu Copenhagen vom 20 Aug. bis 14 Sept. 1596. sich
 zugertragen hat. 1596. 4. In hoc volumine nihil quidem est,
 quod crebro occurrat & multorum manibus teratur, rarissimum
 tamen, censendum **WAGNERI** *Chronicon Thuringicum*, idque
 etiam propter annexam illi copiosam de Abbate Stadenſi ad
HENRICUM RANZOVIVM Epistolam, quae innotuit qui-
 dem aliorum relatione **TOBLAE ECKHARDO**, sed ipse oculis
 eam vsurpare non potuit. Quare in *Vita ALBERTI STADENSIS*,
 studiosè admodum elaborata, p. 53 sic scribit: *Animus erat, ipsam
 addere WAGNERI Epistolam, sed multo licet studio, in instru-
 ctissimis etiam bibliothecis, perquisitam, nancisci non licuit.*
MARC de WILSON, *Sieur de la COLOMBIERE, le vray Theatre
 d'Honneur et de Chevalerie, ou le Miroir Heroique de la Noblesse.*
 Paris. 1648. fol. Opus rarum, curiosum, antiquitatibus plenum,
 aeneis figuris elegantissimis ornatum.
PROCOPII *Alexandota. Cum Notis NICOL. ALEMANNI.* Lugd. 1623.
 fol. Conf. **VOGTIVS** p. 449.
PETR. APIANI *Inscriptiones sacrosanctae Vetustatis.* Ingolst. 1533.
 fol. Conf. **VOGTIVS** p. 38. Cur hic liber rarus sit, exponit
SCHELHORNIUS *Amoenit. Liter. Tom. V. p. 286.*
ANGELI DECEMBRII *de Politia literaria Liber.* Aug. Vindel.
 1540. fol. Quibus liber hic ex sola citatione aliorum innotuit,
 ipsi autem nunquam licuit eundem inspicere, illis haud diffi-
 culter dari potuit occasio cogitandi, quod in eo de *politia*,
 (tertia syllaba longa) sive de ratione ordinandi et guber-
 nandi civitatem literariam, non vero de *politia*, (tertia syllaba
 brevi) sive elegantia Latini sermonis consequenda, agatur.
 Ipsa vero *avrovvia* docet, quod **DECEMBRIVS** nullius regi-
 minis, sed solius nitoris curam gesserit. *Politiā*, ait p. I. a,
 a *poliēdo*, seu *polite scribēdo*, appellare libet. Qui itaque
 librum hunc ad politicos referunt, ii quod pace ipsorum
 dixerim.

- dixerim, eum non satis cognitum habuerunt. Conf. VOGTIVS p. 234. *SIGISMUNDI L. B. in HERBERSTAIN, Rerum Moscoviticarum Commentarii*. Basil. 1551. fol.
- AIMONII Libri de Gestis Francorum*, atque *LEONIS MARSICANI Chronicon Casinense*. Paris. 1603. fol. Auctorem libri de Gestis Francorum aliqui vocant *Aimonium*, manifesto indicio, quod eundem ante oculos non habuerint.
- ADRIANI SCRIECKII Origines Resque Celticae et Belgicae*. Ypr. 1614. fol. Aliam editionem memorat VOGTIVS p. 614. Opus etymologicum tam rarum, quam paradoxum. Conf. IO. GEORG. ECCARDI Hist. Stud. Etymolog. Ling. German. p. 110sq.
- VALER. ANDREAE Bibliotheca Belgica*. Lovan. 1643. 4. Scio, quod liber hic magno studio a magno & literatissimo viro sit quaesitus. Conf. VOGTIVS p. 32.
- ANTONII BOSII, IO. SEVERIANI et PAUL. ARINGHI Roma subterranea*. Rom. 1651. fol. maj. Vol. II. cum multis figg. Splendidum valde hoc opus primum erat, quod summopere efferebat *HENR. LEONH. SCHYRZFLEISCHIVS*, cum, permittente ipso, Bibliothecam fratris, *CONRADI SAMVELIS*, Wittenbergae perlustrarem. Idem praedicabat, quod frater ipsius Roma in Saxoniam hunc thesaurum (haec voce memini, utebatur) attulerit, cuius pretium & raritatem, in his saltem terris, satis aestimari non posse, ex ore fratris plus vice simplici se audivisse, referebat.
- CAMILL. PEREGRINI Series Abbatum Casinensium*. Neapol. 1643. 4.
- Paraeneticorum Veterum Pars I, Cum Notis MELCHIORIS HALMINSFELDII GOLDASTI*. Inful. ad Lac. Acton. 1604. 4. IO. *RIDDARSTIERNA*, Suecus, vir arte & Marte clarus, qui licet inter turmae Regiae nobiles officiales nomen suum sit professus, antiquitatum tamen & aliarum pulcherrimarum rerum peritissimus celebratur, in Epistola Hamburgi (vbi valetudinis causa degebat) 1694. d. 19. Decemb. scripta: *Ich verlange eini ge Nachricht, wo doch des GOLDASTI PARAENETICI VETERES zu finden, und wann sie gedruckt, qua forma, an separatim, an vero iunctim cum aliis Goldasti operibus. Denn ich sie tausendmahl gesucht in Bibliotheken und nachgefraget, aber niemals*

niemahls können zu sehen bekommen. Vid. Memor. Straden. p. 188. STADENIVS d. 24 Decemb. 1694 respondit: *Pars posterior lucem nunquam aspexit.* - - - *Neque enim in catalogo MSS. Goldasti, in Bibliothecam publicam Bremensem perlatorum, quicquam eius observavi.* Nactus sum ego hanc Partem primam ex Bibliotheca Conringiana, et profecto non vili pretio, quia in bibliopoliis non reperitur, nec nisi semel separatim est edita. Vid. loc. cit. p. 191. Conf. p. 91. Add. VOGTIVS p. 516.

HENR. CORNEL. AGRIPPÆ Liber de Incertitudine & Vanitate OMNIUM Scientiarum & Artium. Colon. 1598. 12 maj. Editiones, in quarum titulo legitur *omnium*, habentur pro rarissimis.

Lettres et Ambassade de Messire PHILIPPE CANAPE, Seigneur de Fresne, Conseiller du Roy. A Paris 1645. fol. III Voll.

Μύρον γεωγραφικόν. Veterum quorundam brevium Theologorum, sive Episcoporum, sive Presbyterorum, aut sacri ordinis aliorum, qui aut tempore Apostolorum, aut non multo post vixerunt, Elenchus. Basil. 1550. fol.

10. HEROLDI Orthodoxygrapha. Basil. 1555. fol. Conf. VOGTIVS pag. 507.

PIETR. MESSIA Selva di varia Lettione. Ampliata per FRANCISCO SANSONINO. In Venetia. 1585. 8.

EGBERT GRIM, Licentiaer in de H. Schrift, Pastor van de Kercke Christi uyt Groot Britannien, ende Professor in de Schole tot Wesel, *Pauselicke Heiligkeit, Dat is, Catholyck ende authenteyck Vertoogh, dat IOHANNES, gemeenlick PAVS IVTTE* genoot, een vrouwe geweest is; genomen uyt meer als Hondert Paepse Scribenten, van verscheiden orden: als Pausen, Cardinaten, Eertsbischoppen, Bischoppen, Paepen, Monnicken, Leeken &c. ende volgende Landen: Hoogh ende Neder Duitslandt, Italien, Franckrijcke, Groot Britannien, Hungarien, Bohemen, Spanien, Grieckenlandt, Polen, &c. So dat van de Pausin, van de eeuwe af, doen sy was, tot op onsen tijdt, geschreven te zyn bewesen, ende't contrarie schriuen van ONVPHRIVS PANVINVS, LAVRENTIVS ALBERTVS, ALANVS COPVS, BELLARMINVS, BARONIVS, COCCIUS, FLORIMVNDVS RAEMYNDVS, SERARIVS, COTON, SCHERER, PAPPY-

PAPYRIVS MASSONVS, PONTACVS, BERNARTIVS, HARDINGIVS, SVFFRIDVS PETRVS, PARSONVS, *seker Paepe tot Rees, ende andere, wederleyt wort.* Tot Wesel. 1635. 4. Alph. VI. pl. 4. Maximus sine dubio liber, qui in hac controversia vnquam prodit. Copiosissimus et rarissimus in hac materia scriptor, adeo, vt ne omnibus quidem, siue veram hic historiam, siue fabulam, quaesiverint, satis notus fuerit. Ego cum olim, aequae ac praeclarissimus civis meus, laudatus VOGTIVS, *Historiam literariam CONSTANTINI M.* (Hamb. 1720. 8.) evulgavit, *Historiam literariam IOHANNAE PAPISSAE* edere, in animo haberem, propter inopiam autem rarissimorum quorundam scriptorum, inter affecta relinquere cogere, praesertim cum ex *Histor. Liter. CONSTANT. M.* pag. 9. viderem, eundem VOGTIVM quoque *Historiam Literariam IOHANNAE PAPISSAE* moliri; meum vero propositum innouisset publico literatorum Patrono, illustri ZACHARIAE CONRADO ab VFFENBACH, Germaniae PEIRESCIO, is mihi sponte transmitterebat GRIMMIVM et, pro benignitate ac liberalitate sua, donabat, Angebat itaque suppellectilem meam librariam monumento, quod non vbique cernere licebit.

IAC. HVGONIS Vera Historia Romana, seu Origo Latii vel Italiae ac Romanae Urbis e tenebris in lucem producta. Rom. 1655. 4maj. Παράδοξολογία ad sanctiorum literarum abusum (hunc vero quis hic deprehendi posse, crederet, qui ex sola inscriptione iudicat?) tendens in hoc libro invenitur. Salutariter itaque impedit raritas, quo minus in omnium manibus versetur. Conf. quae de hoc libro scripsi *Miscellan. P. I. p. 68* sqq.

DAV. DICSONI Expositio Analytica omnium Apostolicarum Epistolarum. Glasgae. 1645. 4.

Relationi del Cardinal BENTIVOGLIO. In Parigi. 1643. 4maj.

Honor *IGNATIO de LOIOLA, Soc. Iesu Fundatori, et FRANCISCO XAVERIO, Indiarum Apostolo, habitus.* Antverp. 1622. *Fama Postuma Praesulum Antverpiensium.* Antverp. 1611. 8.

AEGID. GVTTMANNI Offenbarung Göttlicher Mayestat, darinnen angezeygt wird, wie Gott der Herr anfänglich sich allen

allen seinen Geschöpfen, mit Worten und Wercken, geoffenbarer, und wie er alle seine Werck, derselben Art, Eigenschafft, Krafft und Wirkung in kurze Schrift artlich verfaßt, und solches alles dem Ersten Menschen, den er selbst nach seiner Bildnis geschaffen, überreicht, welches dann bis dahin gelange ist. Hanaw 1619. 4. SAMVEL ENGEL in Biblioth. Selectiss. (Bern. 1743. 8.) P. II. p. 31. de hac prima huius libri editione annotavit sequentia: *Editio rarissima Libri adeo rari, ut, teste Struvio, in Belgio iam pro 100 Ioachimicis dividenda, imo Principi cuidam, non nisi prius numeratis mille florenis, Exemplar ad illud describendum traditum fuerit.* Confirmat haec, imo premium amplificat; & alia de hoc libro observat REIMANNVS Biblioth. Theol. p. 682sq. Conf. quae de raritate huius libri annotavit VOGTIVS p. 499sq.

AEque rara, licet recentior, est secunda huius libri editio, quae Amstelod. et Francof. ad Moen. 1675. 4. prodit. Conf. SCHELHORNII Amoenit. Lit. Tom. V. p. 292sq. Contuli posteriorem hanc editionem, quae iidem inter libros meos est, ac nullam in ea, quod caput rei est, differentiam, aliquam tamen in externa offendi forma, quae secundam hanc editionem primae quodammodo disimilem facit. Sic Titulus generalis habet tantum haec verba: *Offenbahung Göttlicher Majestat, sed stipata AVGVSTINI, BERNHARDI, FICINI, PARACELSI, dictis, quae editori ad rem facere, visa sunt.* Subsequitur *Kurzes Bedencken von G. Offenb. Göttl. Mayst.*, cuius auctor tacet quidem nomen suum, notum tamen est, quod sit *HENR. AMERSBACHIVS*, qui in hoc iudicio Ministerium Tripolitanae sine iudicio convitiis proscindit. Post *Elenchum Capitem* repetitus est integer primae editionis titulus, cui haec verba subiuncta: *Ziebedor fast vor 60 Jahren ein vielfältiges Suchen ediret, und aniego, weils so rar und selten, daß auch ein Exemplar vor 30. 40. Thalr. verkauft, und fast nicht zu erhalten gewesen, nunmehr gleich als auf so vielfältiges Begehren, sonderlich für Gnaden- hungere, Eißheit: suchende, Kunst- begierige, Gott- liebende und sammlisch gesinnere Kinder Gottes wieder aufgeleger, &c.* Quod iactantius, quam verius

verius haec dicta sint, admiratoresque huius libri splendidissimo superbieantitulo, nubem pro Iunone, scorias pro auro, invenerint; cordatus & ingenuus Theologus, ingens quondam & Lubecae & Ecclesiae faniolem doctrinam amplexae, decus, SAM. POMARIUS, luculenter evicit.

CONR. GESNERI *Bibliotheca Universalis*. Tigur. 1545. fol. Ipsa manus Gesneriana est in titulo, cui haec inscripta: *Clarissimis viris D. Hieronymo Frobenio, et D. Nicolao Episcopo, Conradus Gesnerus d. d. Cat. Mosh. p. 202: Lib. perrar. Conf. VOGTIVS p. 125. sq. Iure ergo accensetur libris raris in Catal. Biblioth. I. F. Reimmanni p. 259.*

IOS. SIMLERI *Epitome Bibliothecae Gesneri*. Tigur. 1553. fol. **EIVSD.** *Epitome Bibliothecae Gesneri novorum Librorum accessione locupletata*. Tigur. 1574. fol.

CORNELII SCHVLTINGII *Bibliotheca Ecclesiastica*. Colon. Agripp. 1599. fol. Perrarorum in librorum classem refert **HEVMANNVS** *Consp. Reip. Liter. c. 6. §. 30. Conf. VOGTIVS p. 615. Quod pauca huius Bibliothecae exemplaria sint impressa, passim annotatum reperitur. Vid. Act. Erud. 1710 p. 283.*

IO. MALDERI *Anti-Synodica, seu Animadversiones in Decreta Conventus Dordraceni*. Antw. 1620. 8. *Cat. Mosh. p. 292: Liber longe rarissimus. Recensui in Select. Liter. p. 759 sqq. Conf. VOGTIVS pag. 435.*

Incerti Scriptoris Chronicon de Archiepiscopis et Sacerdotibus Ecclesiae Vpsaliensis. Cum Notis IO. SCHEFFERI. Vpsal. 1673.

ISRAEL. ERLANDVS *de Vita et Miraculis S. ERICI, Sueciae Regis. Cum Notis IO. SCHEFFERI. Holm. 1675. Commentarii de Regibus vetustis Norvagicis, & de Profecione Danorum in Terram Sanctam. Cura IOHANNIS atque BERNH. CASP. KIRCHMANNI. Amstelod. 1684. GEORG. LANI* *Mausoleum S. Epitaphia Budissinensia. Budissin. Lips. 1695. I. C. W. Epitaphia Budissinensia. Budissin. 1708. Pleraque in hoc volumine rariora.*

CONR. SCHLUSBERGII *Epistolae clarissimorum Theologorum & aliorum virorum doctissimorum. Rostoch. 1624. 8. Cat. Mosh. p. 249: Liber rarissimus. Conf. VOGTIVS p. 614.*

CAS.

- CASSANDRAE FIDELIS** Epistolae et Orationes. Cum eius Vita & Notis a **LAC. PHIL. TOMASINO** editae. Patav. 1636. 8.
- LAVRAE CERETAE** Epistolae. Ab eodem **TOMASINO** productae qui eius Vitam & Notas addidit. Patav. 1640. 8.
- NICOL. RIGALTII** Glossarium Τάξιων Μισοβάρβαρον. Lutet. 1601. 4 maj. Rigaltius hunc librum donavit **IO. MEVRISIO**, quod manus eius in titulo docet. Meursius autem, a Rigaltiana in pingendo elegantia remotus, emendavit variis in locis & supplevit. Vid. Biblioth. Lubec. Vol. IV. p. 646 sqq.
- DOMINIC. ac CAROL. MACRORVM** Hierolexicon. Rom. 1677. fol. Hanc editionem Romanam raro occurrere, vel ipsa testatur experientia.
- Discorso di M. SEBASTIANO ERIZZO** sopra le Medaglie de gli Antichi. Con la Dichiaratione delle Monete Consulari et delle Medaglie de gli Imperatori Romani. In Vinegia. 1559. 4. Conf. **VOGTIVS** p. 264 sq.
- Dictionarium**, quod **GEMMA GEMMARVM** vocant, nuper castigatum. Antw. 1511. 4. In fronte hoc ad Lectorem literatum legitur distichon:
- Non est e couchis hec Gemma petita marinis,
Verum barbarico Vandalicoque lacu.
- MARQVARDI FREHERI** de Re Monetaria Veterum Romanorum et hodierni apud Germanos Imperii Libri. **NIC. ORESMII** de Origine et Potestate, nec non de Mutatione Monetae liber. **GABR. BYEL** Notae in utrumque. Lugd. 1605. **IOS. SCALIGERI** ac **MARQ. FREHERI** Expositio duplex Numismatis **CONSTANTINI** Imp. Byzantini. 1604. **MARQ. FREHERVS** de Secretis Iudiciis, olim in Westphalia aliisque Germaniae partibus usitatis, postea abolitis. Heidelberg. 1610. **HELIODORI** Optica. Gr. et Lat. 1610. 4.
- HVBERT. GOLTZII** Iulius Caesar ex antiquis Numismatibus. Brug. Flandr. 1563. fol.
- IACOBI a MELLE** Epistola de antiquis quibusdam Nummis Germanicis Historiam Thuringicam praecipue illustrantibus. Ien. 1678. 4. Rarioribus recte annumeravit **VOGTIVS** p. 456.
- IAC. PAMELII** Annotationes diversorum in **TERTVLLIANVM**. Paris. 1635. fol.

- CAROL. CARAFA** de *Germania Sacra instaurata*. Francof. 1641.
Decreta, Diplomata, Privilegia in favorem Religionis Catholicae.
 12 maj. Editioni Germaniae Sacrae Colonienfi 1639 additum est
 in Cat. Mosh. p. 99; *Edit. rar.* Citata autem editio Francofurtana,
 quam asservo, non videtur esse minoris raritatis, etsi minoris sit
 elegantiae, siquidem prior editio mentitur typos Colonienfes, a
 Batavis autem excusa est. Conf. VOGTIVS p. 170.
- Index Expurgatorius Librorum, qui hoc seculo prodierunt, vel doctrinae non sanae erroribus inspersis, vel inutilis & offensivae maledicentiae fellibus permixtis, iuxta sacri Concilii Tridentini decretum.*
 Philippi II, Regis Catholici, iussu & auctoritate, atque Albani Ducis consilio ac ministerio in Belgio concinnatus, anno MDLXXI.
 Nunc primum in lucem editus & praefatione auctus ac Regii diplomatis interpretatione. Lugd. 1586. 12 maj. Huiusmodi Indices
 omnes libris raris merito accensentur, quamvis alii sint alii rariores. Hic vero, quem in Bibliotheca GVLIELMI WAKII, Archiepiscopi Cantuariensis, invenit DANIEL MAICHELIVS, in primis annotandus est propter tam copiosam, quam commemorabilem FRANCISCI IVNII Praefationem, in qua improbanda horum Indicum origo demonstratur et plura, quae in iis sunt, censentur. Vid. Lucubratt. Lamberan. p. 100sqq.
- SIXTINI AMAMAE** *Anti-Barbarus Biblicus*. Amstelod. 1628. 8. maj. Cat. Mosh. p. 371: *Liber rarus*. Conf. VOGTIVS p. 27.
- CL. SALMASIVS** de *Annis climactericis et antiqua Astrologia*. Lugd. Batav. 1648. 8.
- Confessio Fidei exhibitae CAROLO V. in Comitibus Augustae, Anno MDXXX. Addita est Apologia Confessionis. Beids Deudsch vnd Latinisch*. Witebergae. 4.
- Spissum in 4to Volumen, in quo *INTERIM* & varia Scripta polemica huius libelli causa evulgata. Reperitur in eodem quoque rarissima hodie Bekentnisse vnd Erkleringe vnd dar Interim, dorch der Erbarb Stede, Lübeck, Hamborch, Lünenborch, etc. Superintendenten, Pastorn vnd Predigere, tho Christliker vnd nöddiger Vnderrichtunge gestellet; cui solido scripto inter omnia anti-interimistica principatus a nonnullis adiudicatur.
- FORTVN. LICETI** de *Animarum Rationalium Immortalitate Libri quatuor*, ARISTOTELIS opinionem diligenter explicantes. Patav. 1629. fol.

INNOCENTII GENTILETTI *Examen Concilii Tridentini*. Genev. 1586. 8. Cat. Mosh. p. 86: *Lib. rar.*

IO. CHRISTOPH. STEEBII *Coelum Sphiroticum Hebraeorum*. Mogunt. 1679. fol. Cat. Mosh. p. 55: *Liber Cabbalisticus ex variis*. Consentit **VOGTIVS** p. 648.

DESID. ERASMI *Epistolarum opus*. Basil. 1558. fol.

IAC. GOTHOFREDI *Dissertationes*. 1645. EIVSD. *Sacrae Exercitationes*. Genev. 1649. **IAC. SIRMONDI** *Historia Praedestinationaria*. Paris. 1648. 8.

FRANC. PETRARCHAE *Epistolae*. 1601. 8.

IAC. PHIL. TOMASINI *Petrarcha Redivivus*. Patav. 1635. EIVSD. *de Donariis & Tabellis Votivis Liber*. Vtin. 1639. 4.

ANTON. AVGVSTINI *Emendationes & Opiniones*. Lugdun. 1559. 8.

HENR. STEPHANVS *de LIPSII Latinitate*. Francof. 1595. 8.

MICH. NEANDRI *Evotemata Graecae Linguae*. Basil. 1565. 8. Editio haec rara est, imo rarissima, ob Praefationem non omnibus editionibus praefixam. In ea tam copiose, quam erudite, de Bibliothecis vetustis, de Libris editis ac ineditis, de viris doctis, de variis rebus literariis aliis, agitur. Vnde b. **RICHEYVS** in Nott. MSS. ad **STRVVII** *Intrud. c. 1. §. 8: Non obstant variae editiones, quin magna sit, praesertim ob doctissimam Praefationem, inter eruditos hodie libri huius cavitatis*. Addi iure potest: *raritas*. Conf. **VOGTIVS** p. 486.

ANG. POLITIANI *Opera*. Basil. 1553. fol.

ERVC. PVTEANVS *de Laconismo*. Lovan. 1609. EIVSD. *Thyrifi Philotesii*. ibid. *L. S. V. Peniculus Foriarum Elenchi Scaligeriani pro Societate Iesu*, Maldonato, Delrio, Metelloburg, Mattiacor. 1609. **IUST. LIPSII** *Defensio Postuma*. Antverp. 1608. 8. Ornat hunc librum pristini possessoris, **IOH. AFFELMANNI**, manus.

BLAISE de VIGENERE *Traicté de Chiffres, ou Secretes Manieres d'escrire*. A Paris 1587. 4maj.

IOHANNIS de LANVA *Catholicon*. Sine anni & loci mentione, fol. In Bibliotheca Sarraziana, Hagae Comitum 1715. 8. P. L. p. 184 de hoc opere annotata sunt sequentia: *Summa, quae vocatur Catholicon, edita a Iohanne de Lanva, sine loco & tempore editionis, attamen versus 1482. Ch. magna, rarissima*. Num sit omnium prima

Catholici editio, non tam certum esse videtur, quam indubitatum, quod sit rarissima. Accuratissime in hanc rem inquisivit **b. RICHEIUS** in Append. IV ad Idioticon Hamb. p. 449 sqq. **M. WESSELI GANSFORTII Opera.** Groning. 1614. 4. Conf. **VOGTIVS** p. 723.

IO. SAVBERTI Variarum Lectiones Evangelii S. Matthaei. Helmst. 1672. 4. Raritas huius libri a **RICH. SIMONE** inde affirmatur, quod perpaucis ille Parisiis notus sit. Vid. laudatus **VOGTIVS** pag. 604.

IO. CHAMBERLAINII Oratio Dominica in diversas omnium fere gentium Linguas versa. Amstelaed. 1715. 4.

PET. SEGVINI Selecta Numismata antiqua. Lutet. Paris. 1684. 4maj.

ANTON. AVGVSTINI de Legibus & Senatusconsultis Liber. Lugd. 1592. **IAC. GOTHOFREDI Fragmenta XII. Tabularum,** Heidelberg. 1616. 4maj.

MARC. ZVER BOXHORNII Origines Gallicae. Amstelod. 1654. 4. Conf. **Memor. Staden.** p. 93 sq. **ECCARDVS** loc. cit. p. 216 sq.

EUSEBIUS ROMANVS de Cultu SS. Ignotorum. Paris. 1705. 8.

IO. MEYRSII Athenae Batavae. Lugd. Batav. 1625. 4.

Librorum in civitate nostra excusorum infrequentissimus haud dubie est libellus **Lubec.** 1509. 4. pl. 8. editus, quem tum demum videre mihi contigit, cum ante aliquot annos in manus meas incideret, postea nunquam iterum eundem conspexi, aut aliquid de eo annotatum reperi. Auctor eius est Anonymus, qui nusquam nomen suum expressit. Vocavit se tantum **Zochgreve**, quo nomine num olim insignitus fuerit nostra aetate dictus **Spielgreve**, qui nuptiis convivarum causa interest (in nuptiis enim evulgatum esse Scriptum hoc Poeticum, ratione, non nostrae, sed pristinae aetatis, diiudicandum, haud levis coniectura est), edoceri cupio. Effigiem suam tamen in primi folii pagina altera conspiciendam praebuit, apparetque tanquam curvus senex, manu dextra *Sphaerulas precatorias* (*Rosencranz*, aut *Pater noster*), sinistra *Baculum* tenens. Loco tituli haec leguntur verba:

Van velenne rade bin ik ein boek
Dnn segge vns van der werlde lop.

Supra

Supra, effigiem hoc ad Lectores, quos offendi non vult, etiam si vitia eorum taxet, alloquium cernitur:

Hoert Hoert ik sehal iux vortellen,
 Dat ik voruaren hebbe van velen ghesellen
 Ik byn eyn van de vremmeden ghesellen
 Kere ik dy vorgheff id my vnde ker et tome besten.

Totus itaque liber est moralis & suo modo *Patriota*, *Spectator*, aut huius generis liber alius, ita tamen, vt cum recentioribus huiusmodi Scriptis non queat omnino comparari. Tempora hic sunt vtique distinguenda. Acriter interim censet omnium, superiorum ac inferiorum, sexus quoque sequioris, vitia et mores mundi false perstringit. At memor quoque est appellationis, qua librum *ein Boek van veleme rade*, librum multi consilii plenum, vocavit. Saluberrimum sine dubio est consilium, quod dedit cunctis sacri ordinis viris, de S. Scriptura studio indefesso scrutanda:

Allerleye holt schöle gy miden
 Wente de Beke dat is de hillighe schriftte
 De dit mölenrad omme driffte
 Verstaet iux wol vp de olden vnd nyen ee
 Dat dar is neen misloue inne schee
 Weter mesters in der hillighen schriftte.

Metaphora, quae viderur durior, de variis Rotis cum per totum librum regnet, ordini sacro *Rota molaris* assignatur. Plura articuli de hoc libro, inrer omnes Lubecenses forte rarissimo, in *Nachricht von dem Ursprung und Fortgang der Buchdruckerey in Lübeck* pag. 176-183.

CHRISTOPH. SANDII *Bibliotheca Antitrinitariorum*. Freystad. 1684. 8. Cat. Mosh. p. 224: *Lib. rar.* Conf. **VOGTIVS** p. 602. Non haec secunda tantum editio, sed prima etiam, quae itidem inter libros meos est, libris raro occurrentibus accensetur. At secunda haec, licet sit recentior, maiori tamen studio fuit quaesita, & varios quidem ob scriptores, varios etiam commentarios, quibus Sociniani religionis ac coetus sui causam agere voluerunt. In his est p. 101 sq. observatio *de Typographiis Unitariorum in Polonia*

et *Lithuaniam*, e qua propter homonymiam Urbis nostrae, isthaec placet annotare: *Officiū Lithuanien translatū est in oppidum Lusco, quod possidebat Kiszka, Castellanus Vilmensis, nostrae confessionis. Postea Vildam, ubi typographus fuit Karcan nomine. Postea LYBECAM (est oppidum situm ad amnem Chronum dictum, alias Niemen, quod tum idem Kiszka possidebat), cum Petrus Blasius Kmita Karcani filiam duxit ac typos accepit. Post ipsum filius eius, Iohannes Kmita; et post hunc Iohannes Langius Lutheranus. LYBECA autem tum jam parebat Ianusio, Duci Radzivilio, Palatino Vilmensi & supremo exercitus Magni Ducatus Lithuaniae Generali, qui prognatus erat filia fratris, seu nepte, illius superius commemorati Kiszkae. Haec quam Racoviensis diutius duravit: nam post illam disturbantiam, Responso ad MEISNERI libros ibi completa est, ac proluxa SCHLICHTINGII praefatio ibidem excusa. Sed etiam partim horribili peste, partim irruptione Moschorum, anno 1655, vel 1656 desit. Luculentam & certam horum verborum declarationem aliis relinquam. Mihi ad finem est properandum. Id vnicum modo adiciō, quod Theatri Honoris, p. 11. adducti, auctor WILSON scriptus, in Privilegio Regio Vilsion exprimitur.*

Superfunt, praeter VANINIANOS, libri rariores alii, dummodo tales sint, quales mihi experientia, multarum rerum magistra, edocto esse videntur. Diversa enim esse eruditorum de libris iudicia, atque alios in nonnullis regionibus ac locis pro raris, alios in quibusdam provinciis ac urbibus esse quotidianos, notum est. Vnde hic de nonnullis libris hoc fertur iudicium, illic alio plane modo iudicatur. Me quod attinet, nemini movebo litem, etiamsi de libris aliquibus foverit diversam a mea sententiam. Ille scilicet suis nititur rationibus: ego nitor meis. Uterque differentem potest habere experientiam, quam suo loco relinquendam esse, arbitror. Me interim hoc discrimen non absterrebit a continuatione huius laboris, siquidem proxima occasione, si benignissimo Numini placuerit, de Indice III Librorum rariorum consignando cogitabo.

Nunc a libris rarioribus avocor ad casum rariorem, quo uti iure laetor, ita bene ac feliciter cum mihi eventurum esse, divina fretus gratia, spero. Sub initium huius opellae iam praedicavi coelestem favo-

favorem, quo licuit bonae spei Filios ad eandem ducere cathedram, quam Patres optimi, meritum ducere, conscenderunt. Est inter illos decus hodie ordinis sacri, quod honoris causa iubet mentionem facere Viri admodum reverendi, amplissimi & praeclarissimi DN. ADDE BERNHARDI BVRGHARDI, Pastoris Petri meritis per insignibus conspicui, qui d. VIII. Septemb. An. MDCCXXIX. Viros eruditos sibi cognominēs *Oratione de Meritis clarorum BVRCHARDORVM in rem sacram et literariam* collaudavit, atque iter Academicum ingressurus Musis patriis simul honestissimo ritu vale dixit. Vid. quae scripti Meditari. Exeger. P. II. p. 472. sq. Biblioth. Lubec. Vol. X. p. 34. Hunc Patrem optimum (quem DEVS servet atque omni felicitatis genere abundare sinat!) laudatissime imitari studebunt Filii, virtutibus, quibus gaudent, conspicui, sedulo finis opus coronantis rationem habituri. In pace itaque a nobis discedent, doctores patrios cum Academicis feliciter commutaturi. Fiet hoc ex voto nostro in actu publico, qui divino auxilio perendie instituetur. In eo uterque orator Patriam spectabit, atque proferet nonnulla, sed sine omni *παροιδμασία*, quae ei ad decus & honorem valent. Natu autem maioris,

**ADDE BERNHARDI
BVRGHARDI,**

Lubecensis,

labor, omnes quatuor Eruditorum ordines, delectu habito, respiciens, in eo versabitur, ut Oratione publica

Quatuorviri Lubecenses Libris editis immortalem famam nacti

concelebrentur, et *AVGVSTI PFEIFFERI* quidem Theologi, *IOHANNIS MARQVARDI*, Iureconfulti, *IOHANNIS HENRICI MEIBOMII*, Medici, atque *IOHANNIS KIRCHMANNI*, Philofophi et Philologi, laudes, quas Libris pereximiis in orbe literato compararunt, iure meritoque renoventur. Natu vero minoris

✠ ✠ ✠

IOHANNIS HENRICI BVRGHARDI,

Lubecensis,

studio, non minus, aequae ac illo, quo antiquitates eruditae investigantur,

Antiquitatis literariae Lubecensis specimen

proponetur. Labores, fateor, sunt iuveniles: at nihilo secius industriam, in iuvenibus quoque praedicandam, et honestum erga patriam affectum declarabunt. Merentur itaque, nisi me omnia fallunt, Vestram, **MAGNIFICI ET ILLVSTRES DNN. CONSVLES**, summe venerab. **DN. PRAEPOSITE**, generos. **DN. DECANE**, summe rever. atque excellentiss. **DN. SVPERINTENDENS**, nobiliss. consultiss. et experientiss. **DNN. SYNDICI** ac **DOCTORES**, admodum rever. et praeclariss. **DNN. SENIOR, PASTORES** et **SYMYSTAE**, nobiliss. generos. prudentiss. atque ampliss. **DNN. SENATORES, PROTONOTARIE** et **SECRETARII**, vt et omnes, qui rebus etiam literariis Lubecensibus delectamini, benevolentiam, humanissime commonstrandam, quam precibus meis Oratoribus, quorum conatus honestissimi sunt, obventuram esse, plane confido.

P.P. Lubecae, d. XXVII. Mart. A. MDCCLXII.



IO

No 113. 80
8


m. l.





ΣΥΜΜΙΚΤΑ LIBRARIA, 3^a
SIVE
LIBRORVM RARIORVM
INDEX II.
SELECTIS OBSERVATIONIBVS INSTRVCTVS.


QVEM
ACTVI SOLENNI
ORATORIO

D. XXIX. MART. A. MDCCLXII. HLQC. HAB.

PRAEMITTIT

IO. HENR. A SEELEN,

SS. THEOL. LIC. ET GYMN. LVBECAE. RECT.



LVBECAE.
TYPIS GREENIANIS.